

日本漢文學百家集

王焱 編

238



YSP
北京燕山出版社

王焱 主編

日本漢文學百家集
238



北京燕山出版社

第二三八册

落葉稿 一卷 義諦著 元禄八年 …………… 一

稻川詩草 七卷 山梨稻川著 文政四年 …………… 八三

谷葉稿
全

覺印禪師略傳

住一法 摠持 義統 撰

師諱義諦字聖傑號覺印曾在檠林稱東嶽道白京師上月氏之子歲甫十二投濃州一禪菴而交救蟻十七歲師事正統禪師二十九歲就隱元和尚登檀納具正統滅後有皆川氏者為師創萬松院于檠林任之不幾去而掛錫紫林以與本師清源老人有同胞之親也經十寒暑偶遭痼疾結一艸廬于泉之南為終焉地扁曰落葉堂蓋慕提婆祖訪啜咀尊者故事也一卧十歲塵埋雙履臨將入之時諸徒持筆硯

乞末後句師咄曰一生胡說亂談到得臘月三十日
還不知耻麼徒乞而不止乃書曰生亦好生滅亦好
滅掘地七尺埋却明月擲筆泊然時元祿甲戌年九
月朔壽滿六十梵夏可數矣所著書授戒家範天澤
東胤錄皇相吟各一卷已行于世皇和真俗通五十
卷禪籍志落葉幻談各四卷萬松州別集轆轤鑽各
一卷師性敏穎言絕粉飾常好讀書得古人之片言
隻語可為法者記之錄之與徒誦之隨解之義至彼
推敲未嘗愛之然有求者亦強不拒信口吟出不宜
思索今裒殘篇以命剞劂畧記始卒題軸端云

落葉稿

琵琶湖 三首

徒子 義恠 集

平湖如鏡絕纖瑕形似琵琶名琵琶四顧青山多壯
觀洞庭何必問中華

天台山下琵琶湖百尺浮圖落玉壺風起千波萬波
涌一波各具一浮圖

琵琶湖上天台山兜術宮開雲霧間舟渡崔嵬瀾裡
開僧居清淨觀中閑

僧房秋月

秋夜禪房趣更深月明無敢片雲侵不須絲竹酒肴
賞今古寒山一等心

屋後怒潮

十萬軍奔江國清百千雷怒海天晴禪菴足以警昏
散恒聽靈山說法聲

平安城

桓皇闢地不曾遷王氣千年上貫天叛圖可羨周公
且文字難形班孟堅

葉山七境

北固峰 京城之北群逸之宗我心維固終身相從

南明觀

三面翠堆秀氣不散仙侶所憇南明之觀

樂夫窩

有山有水有瓜有茄樂彼天命更不仰他

克己齋

恣身山林懼睽世理故結茅齋庸扁克己

佛種塔

五尺珉塔三層妙鑿些字功德成佛因緣

神恩池

始出利我終下利民山半一水謝恩土神

白雲閣

白雲不拒人來往青嶂何知世變遷

千本林

蓮臺寺北千本林是洛陽北邙也西與過引接寺

緇摩堂之前必撞鐘一聲冷聞者念佛自古而然

愿憲貧窮猗頓富東施惡醜夫真妍緇摩堂上一聲

響千本松間數片煙

高野山

二首

南去京三日金剛大覺園高離九國土別闢佛乾坤
四面十餘里一望萬個門相傳開祖體今尚廟中存
白雲片片樹層層落落寶房濟濟僧開講何妨龍鬼
聽厭塵不許婦人登一千劫外沒遷塔八百年來無
盡燈國俗欲緣開祖蹟故將齒骨上青嶺

泉府東原諸墓

泉州東野多荒墓代遠歲深半作田王種臣添千氏
傑文宮武職一時權漚華世界命非命狐兔穴中賢

不賢長夜漫漫玄宇暗為持尊勝弔無緣

醍醐山

跡被醍醐最上巔畿中佳景眼前連湖湖一水隔河
撰鎮洛群山樓佛天黃布井田秋熟稻翠濃民屋午
炊煙當時桓武都斯地王氣綿綿八百年

慧白山東福寺

藤相發揮廣大心東方福地設禪林欲言四百年前
事却恐人為刺現今

植尾寺

樹密雲閒澗水澄傳聞斯地律中興人人當秘薩埵

願個個無非羅漢僧何必聖遙悲五部不妨自務極
三乘寥寥天路飛塵斷可羨世間知未曾

誓願寺

鉦鼓喧時人作林一同專念似雷音衆生實信彌陀
佛誓願寺前草木深

禮安井舊龍翔寺祖塔

禁闕西郊安井村曾開天澤一流源昔年鳳舞龍翔
地今日鷄飛狐走園我對浮圖空作禮誰傳伽梨克
酬恩老翁來見詳談古自道國師行者孫

泉州新府

地平山嶽少西面水浸空一府三州畧五畿千里中
廣津商舶集福地民財豐野列先主墓街多巨佛宮
俗士惡華義清廉貴古風

經王堂

夜夜鬼兵喧帝城孫籌吳策豈能平將軍幸借經主
力冥土烟塵得始清

飯山古城

車駕南行終不還楠郎勵志復京寰赤心一掬保神
器白刃幾回破賊關父子死忠同蜀葛弟兄重節莖
唐顏國亡名遺古城在三尺兒童知飯山

朝鮮行

魚姓英雄乘亂世擅為霸業執兵權列侯舉折黃金
膝一劍霜寒東海天六十六州猶未足驅民立帥寇
朝鮮朝鮮廣統羅麗濟文學有餘武闕然兵馬向西
二十萬戍艦蔽海五三千金山立陷猶追鼠到處拔
州又拔縣貂類滅徒棄矛走春花秋葉逐風顛東軍
所擊竹如列王轎出都赴朔邊皇帝援師多溢目始
看強敵簇馬前不知勝負決何日契死爭先既七年
戈戟如林炮霹靂貴戶賤骸路頭羶一望千里皆焦
土白骨作山血作川父子相離思悵悵夫妻不會淚

漣漣只因逆德驕心起，兩國生靈冷雪蘊。常願代明
保天下，暴隨冥使入黃泉。黃泉報應人難識，白顯察
幽唯聖賢將士倦。戰思故國懼其誅，刻不能還一朝
聞計內心喜，凌嶮衝堅狼狽旋。舊日虎威人不畏，終
隨衆意屬新由。身亡家滅祭祠斷，咸謂快哉無小
憐。有目不曾經典籍，爭知治國在遺篇。有文無武維
他，適有武無文，維孰愆。文武推求仁義是，世主亭毒
兩當全。若人於此深明理，覺帝妙猷亦不懸。

泉州口號

山水秀廉入五畿，賈商多集士人希。海瀕滿地蟬兒

走冬暖通宵蚊子飛

夷嶋口號

風濤捲沙埋渚頭，寸重尺積幾春秋。西江自後漸為地，竟見泉州接淡州。

淀川夜航

淀川夜雨泛孤艇，一睡南行六十程。列剎曉鐘如沸響，始知身在坂陽城。

梅花落 三首

梅花落，梅花落，梅花落盡作空枝。松有負姿竹有節，梅兄綠萼捨我之。